



Verwysing: 20211020-6851  
Lêernommer: 12/2/8/13/Western Cape Essay Writing Bursary Competition  
Navrae: TE Sikiti

Kurrikulum VOO-minuut: DCF 0009/2021

Aan: Adjunk-direkteurs-generaal, Hoofdirekteure, Direkteure, Hoofonderwyskundiges, Hoofde: Kurrikulumondersteuning, Kringbestuurders, Hoofde: Bestuur en Beheer, Adjunk-hoofonderwyskundiges, Assesserings- en Eksamenkoördineerders, Vakadviseurs vir Ekonomie, Rekeningkunde, Wiskunde en Lewensoriëntering, en Prinsipale van skole wat graad 10 tot 12 aanbied

**Onderwerp: Wes-Kaapse Opstelbeurskompetisie vir graad 11-leerders wat Ekonomie, Rekeningkunde en Wiskunde neem (2021/22)**

1. Die Wes-Kaapse Provinsiale Tesourie, in samewerking met Nedbank en die Wes-Kaap Onderwysdepartement (WKOD), nooi skole uit om vir die 2021/22 Wes-Kaapse Opstelbeurskompetisie in te skryf.
2. Die kompetisie bied graad 11-leerders in die Wes-Kaap, wat 'n kombinasie van Ekonomie, Wiskunde en Rekeningkunde as vakke neem, die geleentheid om beurse te verwerf en ander vorme van aanmoediging te bekom om hul studies in hierdie velde aan 'n universiteit voort te sit.
3. Hoogstens 12 beurse, asook 'n kontantprys vir finansiële ondersteuning tydens hul graad 12-jaar, sal toegeken word aan leerders wat beoog om 'n graad in Ekonomie (bv. BCom (Ekonomie)), Rekeningkunde (bv. B.Rek., B.Compt.) Handel (bv. B.Bus.Sc.) of Wiskunde aan 'n Wes-Kaapse universiteit te verwerf.
4. Die beurse is vir graad 11-leerders wat in minstens twee van die volgende vakke uitblink (minimum van 60%) – Ekonomie, Wiskunde en Rekeningkunde, en wat in 2022 om toelating tot 'n universiteit kwalifiseer. Deelnemers moet Suid-Afrikaanse burgers wees wat in die Wes-Kaap woonagtig is en oor 'n goeie gesproke en geskrewe taalvermoë in Engels beskik.
5. Pryse vir die onderwysers van suksesvolle leerders:
  - 'n Kontantprys vir die onderwyser van elk van die leerders wat eerste, tweede en derde plek behaal.

- Kontantpryse vir die onderwysers van elk van die ander leerders aan wie beurse toegeken word.
6. Prinsipale sal gevra word om die name van die betrokke onderwysers te verskaf.
  7. Die beurskompetisie is daarop gemik om:
    - entoesiasme vir Ekonomie, Wiskunde, Rekeningkunde en loopbaangeleenthede in hierdie velde te bevorder;
    - kennis en vaardighede in Ekonomie, Wiskunde en Rekeningkunde te bevorder;
    - probleemoplossings- en analitiese vaardighede te ontwikkel;
    - leerders aan navorsingsmetodes en opstelskryfvaardighede bloot te stel;
    - leerders met toegang tot en skakeling met die werkswêreld te voorsien;
    - bewustheid van sosio-ekonomiese kwessies in Suid-Afrika te kweek;
    - toekomstige leiers in die velde van Ekonomie, Wiskunde en Rekeningkunde te ontwikkel; en
    - voortreflikheid aan te moedig en te beloon.
  8. Raadpleeg asseblief die volgende dokumente wat hierby aangeheg is:
    - Bylae A: Bykomende belangrike inligting
    - Bylae B: Opstelonderwerp (slegs in Engels beskikbaar) met die nasienrubriek
    - Bylae C: Inskrywingsvorm
    - Bylae D: Opstelhandleiding
  9. Skole behoort belowende leerders te kies om aan die kompetisie deel te neem. Hulle sal versoek word om 'n opstel van ongeveer 2 200 woorde te skryf. Die res van die graad 11-ekonomieklas kan 'n opstel van hoogstens 600 woorde oor dieselfde onderwerp skryf, wat as deel van die navorsingsprojek vir die skoolgebaseerde assessering sal tel.
  10. 'n Span onderwysers by die skool sal die assesseringsrubriek wat voorsien is, gebruik om die twee toppresteerders te kies wat aan die minimumvereistes van 60% (opstel en mondelinge voordrag gekombineerd) voldoen om na die volgende fase van die kompetisie te vorder. Die opstelle en punteblaaie van die **twee toppresteerders** moet teen nie later nie as **15 November 2021** by die distrikskantoor vir beoordeling op vlak 2 (distriksvlak) ingedien word.
  11. 'n Beoordelingspaneel in elke distrik sal die kwalifiserende opstelle van skole beoordeel en die finaliste kies. Die tien beste opstelle per distrik sal deur hierdie paneel gekies en teen 30 November 2021 na die finale vlak (provinsiale vlak) gestuur word.
  12. Die beste opstelle vanuit die totale getal wat ingedien is, word deur die finale keuringspaneel gekies, wat uit verteenwoordigers van Nedbank, die Wes-Kaapse Provinsiale Tesourie en die WKOD sal bestaan.
  13. Finaliste sal genooi word om die finale keuringsproses in Maart/April 2022 in Kaapstad by te woon – op 'n Vrydagmiddag en Saterdagoggend. Daar sal van hulle verwag word om 'n mondelinge voordrag oor hul navorsingbevindinge te lewer en vrae te

beantwoord wat deur die keuringspaneel gestel sal word. Die Ekonomie-onderwysers van die finaliste sal genooi word om hulle te vergesel. Die lede van die distrikpaneel sal genooi word om die toekenningsremonie op die Saterdagagaand by te woon.

14. Navrae oor die skryf en nasien van opstelle moet aan die distrik se vakadviseur vir Ekonomie gerig word.
15. Prinsipale word versoek om die inhoud van hierdie minuut onder die aandag van alle graad 11-onderwysers vir Ekonomie, Wiskunde, Rekeningkunde, Engels en Lewensorientering te bring.

**GETEKEN:** H MAHOMED

**ADJUNK-DIREKTEUR-GENERAAL: KURRIKULUM- EN ASSESSERINGSBESTUUR**

**DATUM:** 2021-10-22